

**Rok President
Henry B. Eyring**

Bin Somm'on e Counselor u lane
Bin Somm'on e Presidency



Laman en Somoel

Fare Doctrine nge Covenants ma pinning urngin e gidii' u gubin fen ningar motoyilgad ko e lam ku en Somoel i Yesus Kristus (mu guy D&C 1:2, 4, 11, 34;25:16). Kan sug ko e mulwol Rok, koel chiya', nge fel' ayuw ni kan pii' udakaen e thogthog ngak fapi Profet kan me'leg. Ulane fapi yi'iy nem rayog ningad nanged fan urogon Got ra fulweg e meybil ko mich udakaen e mulwol ko gagyeg, gapas, nge koel chiya'.

Nap'an e meybil rodad ngad gayed rogon ningad nanged e tin Got ba'adag ningad rin'ed, mang e ngad rin'ed ningad piry'eg e gapas nge faflaen' nap'an e yafas ney nge bin magid ni bay yib, nge tin nibe yib ngodad. Fare Doctrine nge Covenants e kan sug ko urngin e fulweg ko fapi duwer ni kan fith e gidii' nib fel' nge fapi profet nap'an e meybil nib sobut'aen. I'ir e tapowiy' ni ga' puluwaen ninge fil ngodad urrogon ningad athapeg e fulweg ko pi duwer ni marung'agen e wa'athdad ko biney e fayleng nge e thapeg ko manemus.

Sobutaen' nge mich i yow e kiy ko en Somoel i Yesus Kristus. Oliver Cowdery e ke thapeg e fulweg ku en Somoel ni marung'agen e a'dag ninge ayuweg ko muruwel ni piliyeg fare Babyor ku Mormon: "Mu tafnay nang ni fa'anra dariy' e mich dabiyyog ningam rin'ed ba'nen; aram fan mu fith udakaen e mich. Dam wagey ko pin'ney; dam fith ko e tin i kan dibchay ngom" (D&C 8:10).

Bayay nge bayay ulane fare Doctrine nge Covenants, en Somoel be fith ko e mich nge sobut'aen' ou'moon

ira pii' ayuw Rok. Reb e fan ko fare'nem ni bachan e fulweg Rok darma yib urrogon woed i gadadra lemnog. Nge rib mom'aw ni nge mich u wandad riy'.

Chepan ko Galasia nge tin ko likngin e gal' rodad e ba yip fan e tin riyul' ney. E tituw ko tituw rok i Henry Eyring ke meybil nib polo' ninge nang mang ira rin' nap'an ke run'ag marun'agen fare gospel nikan sulweg nap'an e 1855. En fulweg riy' e ke yib nap'an e lik'ay.

Ke lik'ay ni ke paer u chiya' u tebel ko Elder Erastus Snow ko Ulung ko fare Ragag nge La'agruwi Apostle nge reb e elder ni fithingan William Brown. Elder Snow ke fil e likngin e gospel niwad nike pag reb e awa. Tomuren Elder Snow ke yog, "Udakaen e fithingan i Yesus Kristus gube motochiyal nigem ningam tawfe nage cha'ney [Elder Brown] . . . ra tawfenigem."¹ E tabinaew rog e kar magaeraen'raed ngak Henry Eyring ni bay e mich nge sobutaen' rok ninge tawfe u 7:30 u kakadabul ulane gi rran u St. Louis, Missouri, USA, ko Elder Brown.

E fulweg ko meybil rok e dani yib ko lingan laman ko en Somoel. Ke yib udakaen e lik'ay nap'an e nep, woed ke buch ngak Lehi (mu guy 1 Nephi 8:2).

En Somoel ke fil ni e fulweg rayog ninge yib udakaen e tham tham. Ulane e Doctrine nge Covenants, Ke fil ngak Oliver Cowdery, "Musap gaed, Bay gu non ngom u tafney rom nge ulane gum'racha'em, udakaen e Kan ni Thothup, ni ra yib nga dakaenem nira paer ulane gum'racha'em" (D&C 8:2).

Me pining e ayuw ngak Oliver ni aray rogon: "Kug

non e gapas ngak e tafney rom marung'agen pinn'ey? Bay reb fel' e micheg rayog ningam athapeg ku Got?" (D&C 6:23).

Fare Doctrine nge Covenants, faram ko Galasia, nge tin ni kan yoloey Henry Eyring nap'an e mission rok to-muren e tawfe rok e ke fil ngog ni e fulweg ra yib woed e koel chiya' nge e gapas.

Nap'an e April 1857, Elder Parley P. Pratt ko fare Ulung ko fare Ragag nge La'agruwi Apostle ke un ko mo'olung ulane Oklahoma, USA. Henry Eyring ke yoloey marunga'gen Elder Pratt "tafney e kan sug ko kireb ko tin ni bay yib . . . , dabiyyog ninge nang fan e tin ni bay yib fa e rogon ninge chuw riy' ma yan."² Henry e kan fapi thin nem tomuren ke yim' fare Apostle. Elder Pratt ke yaen nga milekag rok dariy' fan e thamtham ko chiya', woed fare Profet Joseph e ke yaen nge Carthage.

I'ir e mich rog ni en Somoel ma fulweg e meybil nib sobutaen' ko mich. Fare Doctrine nge Covenants nge e tin ni ke buch rodad ma fil ngodad urrogon ningad nanged fan fapi fulweg nge fol udakaen e mich, fa'anra udakaen e ayuw rok, rayog ko tin riyul', fa e koel chiya'. Gube meybil ni gadadra motoyil magdad nanged fan laman nib t'ufeg ko en Somoel.

NOTES

1. "The Journal of Henry Eyring: 1835-1902" (e thin ni dabki publish ni fan e tayoloey).

2. "The Journal of Henry Eyring: 1835-1902."

ROGON NI NGAN FIL KO BINEY E MULWOL

1. Mu lemnog ningam biy'eg uta'abang bochi guruy marung'agen e meybil ko bineye mulwol. Nap'an ngam biy'eg, mu fith urngin e chongin tabinaew ningar motoygilgaed ko urrogon Got ra fulweg e meybil. Mu lemnog ningam pii' e micheg marung'agen mang fan e meybil i'ir e ba ga'fan.

2. Fare Doctrine nge Covenants e kan sug ko fulweg ko duwer ni kan fith e gidii' udakaen e meybil. Mang ra buch fa'anra dabki yoloey e fulweg (ko yi'iy) ulane babyor? Ayuweg e tabinaew ningar filed mar nanged fan man fol ko ayuw ko Ya'el. Sana yaedra adag ningar yoloeyed e lem roraed marunga'gen e meybil ulane journal roraed.

FAL' YANGREN

Motoyil ko pi Ayuw

Rok María Isabel Molina

Reb e nep e cousin rog ke mil' ko tabinaew rok, Ere kug papaynigeg ni ngu pir'eg. Nap'an kug waen u karo, kug meybil mug pinning e ayuw ko fare Ya'el. Gumanang ni Got ra fulweg me powiy'nigeg, mug gay rogon ningu motoyil ko ayuw ku en Ya'el. Machane nap'an dabiyyog ningu rung'ag ban'en, kug tabab ningu magaf'aen mug thamiy dabki ayuwegeg e Ya'el.

Guba'adag ningu waen nib palog ningu piry'eg, machane Kug thamiy sna bay Gu soen ulane e binaw u to'oben e tabinaw ko cousin rog. Ere Kug me'leg ningu waen u karo u binaw nem ta'areb e yay. Nap'an kug taw ko reb intersection e kanawo', Kug guy chi pinn ni ke yaen u but'. Kug piriyyeg e cousin rog!

Nap'an kug chuw ko karo mug mil ngak, Kug nang fan ni fare Ya'el e ke powiy'nigeg ni ke pinning e thamiy ngog ningu soen ulane fare binaw nem. Bachan kug motoyil ko lem nib achig-chig, Ke chugur ni dabgu motoyil ko e chilen rok en Ya'el. Kug nang fan ni yo'or e yay dabra rung'aged e lam, machane rayog ningaed thamiyyed ulane gum'racha'dad.

Kug pinning e magar ko powiy' ku en Ya'el. Nib Riyul' Irma paer rodad! Woed ke yoeg e Scripture, "Fare Kan ni Thothup i'ir e fagar rom ko manemus" (D&C 121:46).

Fa'anra kam mat'aw ko ayuw ku en Ya'el ngam tiyaen'num, ram manged e talin u pa' Got ningam gagyeg fel' wa'athan bo'or e gidii'. Udakaen e ayuw ko fare Ya'el, rayog ningad nanged bin rogon ningad folgad riy'.

BITIR

E Milekag ko Meybil

President Eyring ba fil ni fulweg ko meybil ra yib u bo'or e rogon nib thil. Rayog ningam man nga milekag ningam piry'eg e chep nib thothup man piriyyeg' boech e rogon nem.

Ngam sap ko yangi chep nib thothup utangin.
Ulane e journal rom, yoloey boech e thin nibe weliy'
mang fapi chep nib thothup be weliy' marunga'gen
fulweg ko meybil.

Rayog ningam yoloey ulane journal rom
marung'agen e ti rom nap'an e meybil keb
e fulweg riy'.

John 14:26.

Inos 1:4–5

Muguy ko Mosaia 27:14

Moroni 10:4

Proverbs 8:10–11



Muruwel ko Tamachib

Mu fil e re n'ey, ma rogon nib mangil, mag weliy ko boech e walagey nib ppin ni gabe guy. Mu murwel ko pi duwer ni nge ayuweg nem ni nge gel nag e pi walagem nib ppin man fal'eg fare Relief Society e bang ko yafas rom nib mangil.

Mich, Tabinaew, Ayuw

Fapi Gidii'en Got ko Tin Tomur Erran e kan pii'raed ningar "muruwel ulane [rok en Somoel] e milay' ko e thapeg e ya'el ko gidii" (D&C 138:56), nge un e muruwel ko machib. Dabi t'uf ningad feked e pinning ko mission ningam pii' fare gospel ngak boch e gidii'. Boch e gidii' nira taw'ath nag e yafas roraed u dakaen e gospel roraed i yaed be to'obdad, nge nap'an ngad taermed-liyed, en Somoel ra ngongoliydad ko talin. Visiting teachers rayog ningar koel e muruwel ko tin ya'el roraed nge pii' ayuw "fek nge ngongoliy fare yafas ni dabi tungun' nge yafas nib manemus ko pu'moon" (Moses 1:39). Nap'an fare Profet Joseph Smith ke yarmiy fare Relief Society nap'an 1842, ke yoeg ni urngin e pinn ra chathowliy e gidii' nib gafgow nge ayuweg ma thapeg e ya'el.¹ Aray e muruwel rodad.

"En Somoel . . . ma pii' e mich ko tin riyul' ngak urngin e gidii' nra pii' nga reb e gidii'," ni ke yoeg President Dieter F. Uchtdorf, Bin La'agruw e Counselor ulane Bin Somm'on e Presidency. "Nge bayay, en Somoel ba t'uf fapi chongin ko Galasia Rok ningar 'bing [lugun]

u gubin ngiyal', me tolul gospel [Rok] ko lingan ko faflaen' (D&C 28:16). . . . Boech e ngiyal' ta'areb e yang ko welthin ko mich ra pinning e thiliyeg ko yafas rok bee' ko manemus."²

Ke yib ko pi Chep nib Thothup

Muguy ko Doctrine and Covenants 1:20–23; 18:15; 123:12

Cheppin Rodad

Fare chepan Olga Kovářová ko fare Czechoslovakia i'ir e pow ko muruwel ko machib nra pii' e chingon ko e cheppin e Relief Society rodad. Nap'an fapi 1970s, Olga ke fil ni nge mang togta me ir e ba'adag to'orngin e tin ku ya'el ulane yafas. Ke guy Otakar Kovářová ni 75 e duw rok, reb Gidii'en Got ko tin Tomur E rran. "Ya'an chuchugur ko medlip i ragag nge lal' e duw rog ko num'ngin machane gum'racha'en ke yaen chuchugur ko ragag nge mureb mab sug ko faflaen'," ke yoeg. "Aray e thil ko ngiyal' u Czechoslovakia nap'an bangiyal ko fekyathin."

Olga ke fith Otakar nge tabinaew rok urrogon kar piry'eged e faflaen'. Kar pii'ed ir nga boch e chongin

fare Galasia ma kar pii'ed e Babyor ku Mormon ngak. Ke bi'yeg nib papay nge boechi ngiyal' nga tomuren make tawfe man yibley. Ko fare ngiyal'nem Olga ke mang e gelngin ko ayuw ulane e fayleng ko fekyathin ko politics nge fekyathin ko taliw. Ke pigpig ni Relief Society President ulane e branch nib achigchig me ayuweg ni nge thapeg e ya'el ko boch e gidii' nike fekraed ngak Kristus.³

NOTES

1. Muguy *Teachings of Presidents of the Church: Joseph Smith* (2007), 453.
2. Dieter F. Uchtdorf, "Waiting on the Road to Damascus," *Liahona*, May 2011, 76–77.
3. Muguy ko *Daughters in My Kingdom: The History and Work of Relief Society* (2011), 92–95.

Mange Rayog Nggur Rin?

1. Gube fol ko ayuw ko fare Kan ni Thothup nap'an gube pii' e mich rog ngak e walageg nib pinn ni gube mada'nag?
2. Urrogon gube ayuweg e walageg nib pinn ningar fil marung'agen fare gospel?

Ra tin ni ga ba adag ni ngam nang, man ko www.reliefsociety.lds.org.